

HOMENAHE PRECIOSO NA CENTRO DI BARIO NOORD

PA ALPHONSO "BUCHI BOEKHOUDT

Un homenahe di kita sombre ta loke Sr. Alphonso "Buchi" Boekhoudt a ricibi diasabra anochi den Centro di Bario Noord, cu tabata completamente yena pa e actividadnan. Cu Ito Tromp como maestro di ceremonia, e anochi no por tabata mas placentano y e invitadonan y conocirnan y fanaticonan di Buchi Boekhoudt a duna Buchi e homenaje bunita cu el a merece como trahador di caha di orgel completo, maestro di varios persona cu actualmente ta siñando e profesion bunita aki, pa mantene na bida e parti folklorico aki di nos cultura.

DESIREE

E mes anochi aki, un di e alumnonan di Fichi, Sra

Glenda Tromp- Geerman, sali tambe for di cuna folklorico y cultural di nos isla, den un familia caminda cu folklore y nos musica tipico ta ocupa prome lugar, a presenta e caha di orgel "Desiree" (dedica na su yiu muher cu ta studiando na Hulanda) cu el a traha como alumno di Buchi, cual presentacion tabata cu 8000 clabo di oro cu a cay den ponchera di losa, simbolisando e cantidad di clabo mas o menos cu tin riba cylinder di su caha.

Madrinan tabata mama di Glenda, Sra. Maria Geerman- Britten, masha popular pa su storianan di antaño y su platonan crillo na television, y suegra



di Glenda, Sra. Stebanita, "Titi" Tromp, masha popular pa su actuacionnan teatral, storianan, dirigente di carnaval na Noord y autora etc.

21 CAHA DI ORGEL

Mey mey di e toquenun humoristico cu Ito tabata duna riba escenario, tabata tin tocamento di cahanan "Dulce Recuerdo", di Florita Kock, "El Pequeño maldito" di Ilene Koolman, "Cristal" di Jani Heronimo, "Mi querida" di Ale Werleman, "Dulcita" di Chomi Ras, "Solitaria" di Maria Lampe-Boekhoudt, "Mi esperanza" di Ignacio Wernet, "Campesino" di Carlos Boekhoudt,



"Mathilda" di Jos Lampe, "Flor di Tamarijn" di Beto Erasmus, "Masideri" di Francisco Boekhoudt, "Flor di Macubari" di Pedro Danje, "Bienvenido" di

Juan Farro, "Flor di Kibrahacha" di Fein Gomez, "Monalisa" di Elias Halabi, "Nos Cultura" di Mando Boek-

Sigui lesa pag 33



Cont. pag. 32

Homenahe precioso na Centro di Bario Noord

houdt, "Esmeralda" di Leopoldo Leonardo, "Por fin mi tye" di Chandi Donata, y hunto cu esakinan esun nobis nobis "Desiree" di Glenda Geerman-Tromp, for di Corsow, "Cicilia" di Sr. Erwin Martha y for di Bonaire, "Amistad" cu su encargado Sra. Shirley Antoine.

Riba escenario por a mira tur e cahanan situa band'i otro den dos rij, y cada un a haya oportunidad pa toca un cancion.

SHOW ADICIONAL

Tabata tin baile di grupo "Nos Folklor" bao direccion di Maria Boekhoudt y cu tono di caha "Solitaria" toca pa Maria

Lampe Boekhoudt, y di e CD nobo di caha di orgel di "Choncho" Boekhoudt a grupo a baila tambe "Reuerdo Bone".

Solange Trimon a canta e exito di e CD cu cancionnan di artistanan infantil y juvenil, "Caha di Orgel" cu a ser dedica na Sr. Buchi Boekhoudt, y despues di e ceremonia oficial, Buchi Boekhoudt cu tambe tabata un dirigente di varios steelband di nos isla, y un di e trahadornan di steelband, a demostra cu ainda e conoce e bleknan y a interpreta dos cancion cu North Stars Steelband, mientras cu e anochi a sigui desaroya cu musica di steelband y e cahanan di orgel.

PLAQUETTE Y PINNAN

Na momento oficial di homenage, Buchi a ricibi plaquette di Sr. Erwin Martha di Corsow, di Shirley Antoine di Bonaire den forma di yabi musical, di Milo Krozendijk na nomber di North stars Steelband, for di man di Zizi Lee na nomber di Instituto di Cultura den presencia di

director di Instituto di Cultur Sr. Frank Croes, Elvira Maduro a entrega recuerdo na nomber di Fundacion Desaroyo Educativo, y director di Instituto di Cultura a percura pa pin special diseña pa Ricardo v.d. Biezen cu a bay e anochi aki, pa Buchi, Glenda, Erwin Martha, Shirley Antoine, Zizi Lee, Ito Tromp y finalmente un a wordo gepinned tambe riba bachi di Sr. Frank Croes.

Un bunita pin cu diseño di un caha di orgel cual ta pa ocasionnan special.

Riba e paginan aki por mira potretnan di e anochi aki.

Juby



TELEFONNAN DI DIARIO
826747- FAX 828551

